

Mit Euro in't Knipp un D-Mark in d' Kopp

IN D' LUUR

Karin Böhmer

redaktion@on-online.de



De Oostfresen reken geern. Bi't Inkopen nehmen se hör Euros un reken de Pries gau maal twee. So kriegen se rut, wat de Waar in D-Mark kösten würr. De D-Mark sitt ok nah 20 Johren fast in d' Kopp. Daar kann de Inflation siet Johren leger wesen as in de 90ers - dat vandaag all düürder is as do maals, dat kann blot an de oll Teuro liggen. De Naam hett he ja fix hatt. Kien Fraag: Vööl Saken sünd mit de Tied düürder worden: Strom un Hüürgeld as Bispill. Man Melk hett 1999 1,60 DM köst, 2002 weren dat 0,74 Euro, un vanddag sünd dat - ok wenn de Priesen in dit Johr stegen sünd - 0,79 Euro. Un de Hartz-IV-Satz ist van 2005 bit nu blot um knapp en Dardel stegen. Ok bi dat Reken mutten de Lüü tweefach rangahn: nich blot de Priesen van vandaag maal twee nehmen, man ok dat Inkomen.